

इवनिंग डोगरी न्यूज़ बुलेटिन

समे 18:15 Hrs

<><><><><><>

## Headlines

- 1.. प्रधानमंत्री नरेन्द्र मोदी होरें जोर देइयै आखेआ ऐ जे वंदे भारत, नमो भारत ते अमृत भारत जेहियां रेलगड्डियां भारती रेलवे दी अगली पीढ़ी लेई मजबूत बुनियाद रक्खा करदियां न।
2. कुपवाड़ा दे केरन सैक्टर च चलाए गेदे इक सांझे अभियान दे दरान सुरक्षाबलें द'उं आतंकवादिएं गी मारी-मुकाया ऐ।
3. बडगाम ते कुलगाम पुलसै, बन्ने पारा थमां जम्मू-कश्मीर च चलाए जा'रदे आतंकवादी नेटवर्क गी तबाह करने लेई बड्डे स्तरै पर अभियान चलाए न।
4. संसदी मामलें दे मंत्री किरण रिजिजू होरें आखेआ ऐ जे संसद दा स्याले आहला इजलास औंदी पैहली दिसम्बर शा शुरु होइयै 19 दिसम्बर तगर चलग।
5. बी.एस.एफ दे जम्मू फ्रंटियर हैडक्वार्टर आसेआ कल जम्मू च आयोजितकीती जाने आहली पैहली. पैहली जम्मू बी.एस.एफ मैराथन द्रौड़ च 6 ज्हार शा मते लोकें दे हिस्सा लैने दी मेद ऐ।

<><><><><><>

प्रधानमंत्री नरेन्द्र मोदी होरें अज्ज आखेया जे वंदे भारत- नमो भारत ते अमृत भारत जेनेइयां रेलगड्डियां भारती रेलवे दी अगली पीढ़ी दा आधार बना रदियां न। प्रधानमंत्री होर उत्तर-प्रदेश च वाराणसी थमां 4 नमियें वंदे भारत एक्सप्रेस रेलगड्डियें गी झंडी दस्सने मगरा किट्टु गी सम्बोधत करा रदे हे। श्री मोदी होरें 3 वंदे भारत रेलगड्डियें दे कन्नै बनारस-खजुराही वंदे भारत रेलगड्डि गी वाराणसी रेलवे स्टेशन थमां झंडी दस्सी। भारती रेलवे च नमें बदलावें दी महत्ता पर लौ पांदे होई- प्रधानमंत्री होरें आखेया जे हुन विदेशी पर्यटक बी वंदे भारत रेलगड्डियें गी दिक्खियै हैरान न। उनें दस्सेया जे देश च कुल 160 वंदे भारत एक्सप्रेस रेल गड्डियां चला रदियां न ते इस उपलब्धी आस्तै उनें देश दे बसनीकें गी मुबारकवाद दिती। प्रधानमंत्री होरें आखेया

<><><><><><>

## Kupwara Encounter

सुरक्षाबलें कुपवाड़ा दे केरन सैक्टर च घुसपैठ दी कोशश गी नाकाम करदे होई इक सांझे अभियान तैहत 2 आतंकवादियें गी मारी मकाया ऐ। घुसपैठ दी कोशश बारे खूफिया जानकारी थोने मगरा एह सांझा तपाशी अभियान रम्भेया गया हा। सेना दी चिनार कोर नै इस बारे इक सोशल मीडिया पोस्ट च जानकारी दिंदे होई आखेया- सुरक्षाबलें संदिग्ध नक्लो-हरकत दिक्खने परैन्त घुसपैठियें गी ललकारेया- जेहदे चलदे आतंकवादियें सुरक्षाबलें पर अन्नेबाह गोलियां चलाना शुरू करी दिता। एहदे परते च सुरक्षाबलें बी जवाबी कारवाई कीती। अभियान अजें जारी ऐ ते होर ब्यौरे गी अजे बलगेया जा रदा ऐ।



## Terror Crackdown

आतंकवादियें गी मदाद उपलब्ध करोआने सरबन्धी नेटवर्क गी तबाह करने लेई चलाए गेदे इक बड्डे अभियान दे तैहत बडगाम पुलसै, पाकिस्तान ते पाकिस्तान दे नजैज़ कब्जे आहले जम्मू-कश्मीर थमां अपनी गतिविधियां चला करदे जम्मू-कश्मीर दे बसनीक आतंकवादियें खलाफ बड्डे स्तरै पर कार्रवाई रम्भी ऐ। पुलसा दे इक प्रवक्ता ने आखेआ ऐ जे हासल खूफिया जानकारीएं दी बिनाह उप्पर कार्रवाई करदे होई खानसाहिब, बीरवाह ते बडगाम इलाकें च घेराबंदी ते तपाशी अभियान चलाए गे। इंदा मकसद ओकड़े लोकें खलाफ कार्रवाई जकीनी बनाना ऐ, जेहड़े बन्ने पार बैठे दे अपने रिश्तेदारें दी शैह पर जम्मू-कश्मीर च आतंकवादी गतिविधियें लेई रपेआ-पैसा उपलब्ध करोआने दे भैड़े कम्म करा'रदे ना। राश्ट्र-बरोधी गतिविधियें च मलव्वस होने दे दोष च केई लोकें खलाफ बक्ख-बक्ख दफाएं तैहत मामले दर्ज कीते गे ना। एहू लोक आतंकवादियें गी साज-समेयान सरबन्धी मदाद उपलब्ध करोआने दे कन्नो-कन्नो, दुश्प्रचार फैलाने ते आतंकवादी गुटें च भर्थी दे बी दोशी ना। छापेमारी दे दरान डिजिटल उपकरण ते ऐतराज़-जोग समेयान जव्त कीता गेआ ऐ। आतंकवादी ढांचे दे खलाफ इस्सै चाल्ली दी कार्रवाई दे तैहत कुलगाम पुलसै बी बड्डे स्तरै पर घेराबंदी ते तपाशी अभियान चलाए ना। पाकिस्तान ते पाकिस्तान दे नजैज़ कब्जे आहले जम्मू-कश्मीर दे इलाकें थमां गतिविधियां चला करदे आतंकवादियें दे रिश्तेदारें ते ओवर-ग्राउंड वर्कें दे खलाफ मामले दर्ज कीते गे ना।



## GST Workshop

जम्मू-कश्मीर दे स्टेट टैक्स विभाग ने कल जम्मू आहले एक्साईज़ ते टैक्सेशन कम्पलैक्स च जी.एस.टी प्राईम एनालिटिक्स टूल ते ई-वे पोर्टल दे बारै च इक ध्याड़े दी सिखलाई कार्यशाला दा सरिस्ता कीता। इस पैहलकदमी दा मकसद इस गल्लै गी जकीनी बनाना हा जे किस चाल्ली एकड़े डिजिटल सरिस्तें दे राहें जी.एस.टी सरबन्धी कम्में च बेहतरी दे कन्नो-कन्नो टैक्स सरबन्धी प्रशासन च मती दक्षता आहन्नी जाई सकदी ऐ। दौनें डिजीजनें दे अधिकारियें इस कार्यशाला च हिस्सा लैता जदके किश अधिकारी ऑनलाईन बी एहदे च शामिल होए। इस कार्यशाला दे राहें टैक्सें सरबन्धी अधिकारियें गी आधुनिक डिजिटल माध्यमें दे इस्तेमाल बारै जानकार बनाया गेआ तांजे जी.एस.टी सरबन्धी नियमें दी पालमा गी स्हेई ढंगै सिर तोढ चाढेआ जाई सकै।



जवाहर नवोद्य विद्यालय-सुरनकोट जे छात्रें अज्ज राजा सुखदेव सिंह जिला अस्पताल पुंछ दा दौरा लाइयै - अस्पताल दे कम्मकाज बारे जानकारी हासल कीती। इस दौरे दा मकसद छात्रें गी स्वास्थ्य सेवा प्रणाली दी समझ छात्रें अस -ते स्वास्थ्य सेवा देया रदे कर्मियें दी भूमिका बारे दस्सना हा। इस दौरान्पताल दे बक्खविभागें बक्ख- ,सनें एमरजेंसी वार्जICU ते लैबोरेट्री दा बी दौरा लाया। उनें डाक्टरेंपैरामैडिकल अमले कन्नै गल्लबात कीती ते - आधुनिक मैडिकल तकनीकें ते ईलाज दे नमें विकल्पें बारे बी जानकारी हासल कीती। इस मौके राजा सुखदेव सिंह पुंछ दे-जिला अस्पतालमैडिकल सुप्रीटेंडेंट



## Parl -Winter Session

संसद दा शीतकालीन सत्र दा आयोजन इक दिसम्बर कोला लेइयै 11 दिसम्बर तोड़ी किता जाग। ए जानकारी संसदी मामले दे केन्द्री मंत्री- किरन रिजिजू होरें दिती। मंत्री होरें एक्स पर दस्सेया जे माननीय राष्ट्रपति –श्रीमती द्रौपदी मुरमू होरें संसद दे शीतकालीन सत्र गी इक दिसम्बर थमां 19 दिसम्बर 2025 तोड़ी चलाने दी इजाजत देई दिती ऐ। उनें आखेया जे उनेंगी उम्मीद ऐ जे प्रजातंत्र गी मजबूती दिंदे होई ते लोकें दी उम्मीदें गी पूरा करदे होई ए सत्र सार्थक ते रचनात्मक होग।



फ्रंटियर मुख्यालय बी.एस.एफ जम्मू आसेआ आयोजित पैहली-पैहली जम्मू बी.एस.एफ. मैराथन-2025 लेई 6 जहार शा मते लोकें अपने नांऽ दर्ज करोआए न। एह मैराथन कल जम्मू दे पलौड़ा इलाके च स्थित बी.एस.एफ. कैंपस च अयोजित होग। इस मैराथन च 42 किलोमीटर, 21 किलोमीटर, 10 किलोमीटर ते 5 किलोमीटर दिआं द्रौड़ां शामिल न ते पूरे भारत थमां प्रतिभागी एह्दे च हिस्सा लैडन। इस कार्यक्रम गी शुरू करने आस्तै जं'दे रोज पलौड़ा च इक प्रेस कांफ्रेंस दा सरिस्ता कीता गेआ- जेह्दी अध्यक्षता बी.एस.एफ जम्मू दे आई.जी शशांक आनंद होरें कीती ते इस मैराथन तैहत होने आहले कार्यक्रमें बारे जानकारी सांझी कीती। इस बारै ब्यौरे सांझे करदे होई उ'नें आखेआ



## Patnitop Marathon

जम्मू संभाग दी मशहूर सैलानी थाहर पत्नीटॉप च कल 9 नवम्बर गी भारत दी सबनें शा शानदार हिल रेस 'पत्नीटॉप मैराथान-2025' दा आयोजन कीता जा'रदा ऐ। मुख्य भरै थमां प्रतिभागी इस मैराथान दिएं बक्ख-बक्ख श्रेणियें च हिस्सा लैडन- जि'दे च 50 किलोमीटर दी अल्ट्रा मैराथन, 21 इशारिया 1 किलोमीटर लम्मी हॉफ मैराथन, 10 किलोमीटर, 5 किलोमीटर ते कन्नै इक वॉकाथान बी शामिल ऐ। आयोजकें दस्सेआ ऐ जे इस कार्यक्रम दे राहें प्रतिभागियें गी तंदरुस्ती दे कन्नो-कन्नी शानदार प्हाड़ी बजारें दा नंद ठोआने दा बी मौका थ्होग।

इस मैराथन च हिस्सा लैने लेई पंजीकरण आहली प्रक्रिया जारी ऐ ते जेहडे बी लोक इ'नें द्रौडें च हिस्सा लैना चांहदे न, ओह अपना नांऽ दर्ज करोआई सकदे न। अधिकारियें इस ब'रे दी पत्नीटॉप मैराथन गी खेडु, कुदरत ते रोमांच दा इक जबरदस्त संगम करार दित्ता ऐ।

<><><><><><>

राई-बाई दे पूरे-पराते विकास सरबंधी प्रोग्राम यानि एच.ए.डी.पी. दे मिशन डरैक्टर संदीप कुमार होरें एच.ए.डी.पी. ते जे.के - सी.आई.पी. योजनाएं तैहत औने आहले इलाकें दा अज्ज दौरा लाइयै सरबंधत करसानें कन्नै गल्लबात बी कीती। मिशन डरैक्टर होर विजयपुर ब्लाक दे सिम्बलावाली ग्रांऽ च बी गे जित्थे उ'नें पिच्छले 23एं ब'रें थमां राई-बाई दा कम्म करा'रदे इक मुकामी करसान बलदेव राज कन्नै मलाटी कीती। इस मौके पर उ'नें ड्रैगन फ्रूट, स्ट्राबेरी ते आंवले दी रड बारै जानकारी हासल कीती। आकाशवाणी समाचार कन्नै इस बारै च गल्ल करदे होई मिशन डरैक्टर संदीप कुमार होरें आखेआ

<><><><><><>